

ների ընթացքում միևնոյն այդ գիւղաքաղաքի
ընակիչների թիւը հասել է 800-ի, որ շատ չնչին
տոկոս է: Ուստի մասնաւորապէս Նուխու այժ-
մեան փոխանորդ բարձրապ. Սիօն վարդապետի
և ընդհանրապէս Ս. Էջմիածնի ու Ն. Ս. քաղցր
ուշադրութիւնն եւ հրաւիրում Նուխու գաւառի
այս վայրենի և մահաբեր սովորութեան արմատախիլ
անելու վերաբերութեամբ: Իսկ Թիֆլիզի Ներսի-
սեան Հոգևոր դպրանոցի և Գևորգեան ճեմարանի
վարչութիւնները շատ գեղեցիկ գործ կատարած
կլինէին, եթէ այդ դժբախտ երկրի, թանձր խա-
ւարի և տգիտութեան մէջ թաղուած Հայ ժողո-
վրդի ընդունակ և սրամիտ գաւաղներից իւրա-
քանչիւր տարի տասնեակ պատանիներ ընդունէին
իրենց լուսաւոր յարկի տակ և կրթէին նրանց
սիրան ու հոգին այժմեան գիտութեանց կենսա-
տու լուսով: Յուսանք և սպասենք:

9

ՈՒՏԻԱՅԻ ՀԱՅԵՐԻ ԱՆԼՄԱՆ ՅԱՏԿՈՒԹԻՒՆՆԵՐՆ ՈՒ ԸՆՏԻՐ ՍՈՎՈՐՈՒԹԻՒՆՆԵՐԸ

Ուտիացի Հայը Չերժ սրտանց սիրում է իւր
հայրենի օջաղը, իւր տունն ու տեղը, իւր հողն
ու ջուրը, իւր թաւոտ անտառներն ու դաշտերը,
իւր վարելահողերն ու ժարգազետիւնները և իւր
պաշտելի սրբաձայրերը: Այնպէս որ նա ուրիշ օ-
տար երկիր երբէք չի գնայ և ոչ մի պայմանով